



Budite umjereni i ustrajni, i znajte da se niko od vas neće spasiti (džehennemske kazne) svojim djelima. Ashabi su upitali: "Zar ni ti, Allahov Poslaniče?" Kazao je: "Ni ja, osim ako me Allah, iz Svoje dobrote, ne obaspe Svojom milošću."

Prenosi Ebu Hurejre, radijallahu anhu, da je Allahov poslanik, sallallahu alejhi ve sellem, rekao: "Budite umjereni i ustrajni, i znajte da se niko od vas neće spasiti (džehennemske kazne) svojim djelima." Ashabi su upitali: "Zar ni ti, Allahov Poslaniče?" Kazao je: "Ni ja, osim ako me Allah, iz Svoje dobrote, obaspe Svojom milošću."

[Vjerodostojan] [Muttefekun alejh]

Ovaj hadis ukazuje na to da ustrajnost na pravom putu biva shodno mogućnostima, odnosno da čovjek nastoji koliko može da njegova djela budu ispravna jer čovjek, koliki god stepen bogobožnosti da dostigne ne može izbjeći grešku, zato mu je naređeno da ustraje koliko je u mogućnosti. Zatim kaže Poslanik, sallallahu alejhi ve sellem: "Znajte da se niko od vas neće spasiti svojim djelima", odnosno neće se spasiti od džehennemske kazne svojim djelima. Koliko god čovjek uradio dobrih djela to nije dovoljno da se izrazi zahvala Allahu, subhanehu ve teala, i da se ispuni Njegovo pravo koje ima kod svojih robova, pa će se zato čovjek spasiti samo ako mu se Allah, azze ve dželle, smiluje i oprostí mu. Nakon toga su ashabi upitali: "Zar ni ti Allahov poslaniče?", odgovorio je: "Ni ja." Ovo ukazuje na to da se ni Poslanik, sallallahu alejhi ve sellem, neće spasiti svojim djelima osim, kako je sam kazao: "Osim ako me Allah, iz Svoje dobrote, ne obaspe Svojom milošću." U ovome je pouka čovjeku da koliki god stepen bogobožnosti dostigao neće se spasiti svojim djelima, čak se ni Poslanik, sallallahu alejhi ve sellem, ne bi spasio svojim djelima da mu nije Allah, subhanehu ve teala, oprostio sve grijeha.

<https://sunnah.global/hadeeth/bs/show/3469>

